

KUNJUNG HORMAT DAN JALINAN KERJASAMA ANTARA JABATAN PENDIDIKAN WP LABUAN DAN PANGKALAN UDARA (TUDM) WP LABUAN: SESI MENANDATANGANI SURAT HASRAT UNTUK BEKERJASAMA



02 Februari 2023 – Sekitar kunjungan hormat Pengarah Pendidikan JPWPL, Tuan Yusup bin Hj Mohamad dan sesi menandatangani surat hasrat bersama Komander Pangkalan Udara TUDM WP Labuan, Yang Berbahagia Brig. Jen. Hj. Muhammad Taha bin Hamdan. Pertemuan dua hala ini adalah bertujuan untuk mengeratkan jalinan kerjasama dan

kolaborasi antara JPWPL dengan PU TUDM WP Labuan khususnya dalam aspek pendidikan yang berkaitan urusan melibatkan sekolah khususnya Sekolah Kebangsaan Membedai.

Selain daripada itu melalui kunjungan ini kedua-dua pihak telah bertukar pandangan dan berkongsi pengalaman serta membincangkan kerjasama yang boleh diwujudkan bagi meningkatkan tadbir urus, pembangunan, kolaborasi dan perkongsian idea di antara keduanya.

Pengarah Pendidikan JPWPL telah diringi bersama En. Boney (Ketua Penolong Pengarah, Sektor Infrastruktur dan Perolehan), Pn.Zailiana Zainol (Penolong Pengarah, Sektor Perancangan), Pn. Cheng Pau Ching (Penolong Pengarah, Sektor Pengurusan Sekolah) dan Pn. Mariati Said (Penolong Kanan HEM, SK Membedai). Manakala Mej Hamka bin Mohd Harith (Pegawai Pendidikan, PU Labuan) turut hadir bersama dan menerangkan fungsi dan peranan ATM dalam Pendidikan.

Semoga kunjungan hormat ini akan dapat mengeratkan lagi hubungan JPWPL dan PU TUDM WP Labuan demi penambahbaikan dan keberkesanan pendidikan. Jabatan ini mengucapkan ribuan terima kasih kepada Komander Pangkalan Udara TUDM WP Labuan di atas kesudian menerima kunjungan hormat ini.





